

ხელშეკრულება #ET-02.27.017-07
სახელმწიფო შესყიდვის შესახებ
ელექტრონული ტენდერის საშუალებით
CPV- 33696000

27 აგვისტო 2017წ.

ქ. თბილისი

1. ხელშეკრულების დამდები მხარეები

1.1. ხელშეკრულების მხარეები არიან: ერთის მხრივ, ს.ს. „უნივერსალური სამედიცინო ცენტრი“ (შემდგომში - „შემსყიდველი“), წარმოდგენილი დირექტორის მამუკა მახათაძის სახით, და მეორეს მხრივ, შპს „ავერსი-ფარმა“ (შემდგომში - „მიმწოდებელი“), წარმოდგენილი მისი კომერციული დირექტორის ეკატერინე მიქელაძის (სანოტარო მოქმედების რეგისტრაციის ნომერი 170005559 პ/ნ 01011052026) სახით, ორივე ერთად წოდებული როგორც „მხარეები“.

2. ხელშეკრულების საგანი

2.1. შემსყიდველმა განახორციელა კანონით გათვალისწინებული პროცედურები ელექტრონული ტენდერის (SPA170001506) საშუალებით 46 200.00 ლარის ფარგლებში, საკუთარი შემოსავლებით ფარმაცევტული პროდუქტების (რეაქტივების და კონტრასტული ნივთიერებების / CPV 33690000) (შემდგომში - „საქონლის“) შესყიდვაზე, რაზედაც მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი 45 000.00 (ორმოცდახუთი ათასი) ლარად.

2.2. წინამდებარე ხელშეკრულებით გათვალისწინებული „საქონლის“ დასახელება, რაოდენობა და ღირებულება მოცემულია დანართში #1, რომელიც შეადგენს ამ ხელშეკრულების შემადგენელ და განუყოფელ ნაწილს.

3. შესყიდვის ობიექტი

3.1. შესყიდვის ობიექტია დანართში #1 აღწერილი ფარმაცევტული პროდუქტების (რეაქტივების და კონტრასტული ნივთიერებების / CPV 33690000) შესყიდვა.

4. ხელშეკრულების საერთო ღირებულება

4.1 ხელშეკრულების საერთო ღირებულება განისაზღვრება ხელშეკრულებით გათვალისწინებული მიწოდების ვადის დასრულების მომენტისათვის მიწოდების დამადასტურებელ დოკუმენტაციასზე დაყრდნობით გაფორმებულ მიღება-ჩაბარების აქტ(ებ)ში მითითებული ღირებულებით (ღირებულებების ერთობლიობით), მაგრამ არაუმეტეს 45 000.00 (ორმოცდახუთი ათასი) ლარისა.

5. ხელშეკრულების შესრულების კონტროლი

5.1. ხელშეკრულების პირობების შესრულების კონტროლს და ზედამხედველობას შემსყიდველის მხრიდან, განახორციელებს სპეციალურად შექმნილი ინსპექტირების ჯგუფი ან/და უფლებამოსილი პირი.

5.2. ინსპექტირების განხორციელებასთან დაკავშირებული ყველა ფინანსური ხარჯი და საორგანიზაციო საკითხების გადაწყვეტა ეკისრება შემსყიდველს.

5.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული „საქონელი“, მიმწოდებელი ვალდებულია შეტყობინების (ზეპირი, ან წერილობითი) მიღებიდან 2 (ორი) დღეში გამოასწოროს წუნი.

6. საქონლის მიწოდების პირობები

- 6.1. "საქონლის" მიწოდება განხორციელდება ხელშეკრულების გაფორმების შემდეგ, შემსყიდველის მოთხოვნის შესაბამისად, შემსყიდველის მიერ გამოწერილი ოფიციალური მომართვის საფუძველზე.
- 6.2. "საქონლის" მიწოდების ვადა განისაზღვრება შემსყიდველის მიერ ოფიციალური მომართვის გამოწერიდან - არაუგვიანეს 2 (ორი) სამუშაო დღის განმავლობისა.
- 6.3. "საქონლის" მიწოდების პერიოდი განისაზღვრება ხელშეკრულების გაფორმებიდან -2017 წლის 31 დეკემბრის ჩათვლით პერიოდით.
- 6.4. „საქონლის“ მიწოდების მოთხოვნის წამოყენება შესაძლებელია ხელშეკრულების გაფორმებიდან - 2017 წლის 27 დეკემბრის ჩათვლით პერიოდში.
- 6.5. "საქონლის" მიწოდება განხორციელდება შემდეგ მისამართზე: ქ. თბილისი, ლისის ტბის მიმდებარედ #4 (შემსყიდველის მისამართი), სადაც სასაქონლო ზედნადებისა და მიღება-ჩაბარების აქტის გაფორმების მომენტიდან შემსყიდველზე გადადის 7.1 პუნქტით გათვალისწინებული საკუთრების უფლება საქონელზე.
- 6.6. მიმწოდებელმა უნდა უზრუნველყოს "საქონლის" მოწოდება შესაბამისი ნორმების დაცვით.

7. შესყიდვის ობიექტის მიღება-ჩაბარების წესი

- 7.1. შემსყიდველის მიერ "საქონლის" მიღება წარმოებს ეტაპობრივად. "საქონლის" მიწოდების ყოველი ეტაპის დასრულების შემდგომ ფორმდება მიღება-ჩაბარების აქტი, რომლის ხელმოწერამდე ყველა ქონებრივი უფლება საქონელზე ეკუთვნის მიმწოდებელს, რომელიც პასუხისმგებელია საქონლის შემთხვევით (მთლიანად ან ნაწილობრივ) დაღუპვაზე, განადგურებასა თუ რაიმე ზიანზე. მიღება-ჩაბარების აქტის ხელმოწერის მომენტიდან აღნიშნული უფლებები და რისკები გადადის შემსყიდველზე.
- 7.2. მიღება-ჩაბარების თითოეული ეტაპის წინ განხორციელდება მოწოდებული "საქონლის" საბოლოო შემოწმება, რომელსაც განახორციელებს შემსყიდველი ორგანიზაციის მიერ სპეციალურად შექმნილი ინსპექტირების ჯგუფი ან/და უფლებამოსილი პირი.

8. ანგარიშსწორება

- 8.1. ანგარიშსწორების ფორმა იქნება: უნაღდო ანგარიშსწორება მიმწოდებლის საბანკო ანგარიშზე "საქონლის" მიწოდების შემდეგ მიღება-ჩაბარების აქტის გაფორმებიდან არაუგვიანეს 60 კალენდარული დღისა.

9. მხარეთა უფლება-მოვალეობანი

- 9.1. შემსყიდველი უფლებამოსილია შეწყვიტოს ხელშეკრულება მიმწოდებლის მიერ თავისი ვალდებულების არაჯეროვანი შესრულების გამო.
- 9.2. შემსყიდველი ვალდებულია უზრუნველყოს მიმწოდებელი "საქონლის" ღირებულების დროული გადარიცხვა მიმწოდებლის საბანკო ანგარიშზე.
- 9.3. მიმწოდებელი უფლებამოსილია მოსთხოვოს შემსყიდველს "საქონლის" ღირებულების დროული გადარიცხვა მის საბანკო ანგარიშზე.
- 9.4. მიმწოდებელი ვალდებულია შემსყიდველს დროულად მიაწოდოს ნივთობრივად და უფლებრივად უნაკლო „საქონელი“. „საქონელი“ ნივთობრივად უნაკლოა, თუ იგი შეთანხმებული ხარისხისაა. თუ ხარისხი არ არის წინასწარ შეთანხმებული, მაშინ „საქონელი“ უნაკლოდ ჩაითვლება,

თუკი იგი ვარგისია ჩვეულებრივი სარგებლობისათვის. „საქონელი“ უფლებრივად უნაკლოა, თუ მესამე პირს არ შეუძლია განუცხადოს შემსყიდველს პრეტენზია თავისი უფლებების გამო.

9.5. ხელშეკრულებით გათვალისწინებული "საქონლის" მოცულობა სავარაუდოა, ამავე ხელშეკრულებით გათვალისწინებული პერიოდისათვის შესაძლებელი არ იქნება დაოდებულებას შესყიდოს ხელშეკრულებით გათვალისწინებული "საქონელი" სრული მოცულობით.

10. მხარეთა პასუხისმგებლობა ხელშეკრულების პირობების შეუსრულებლობისათვის

10.1. ხელშეკრულების შესრულებაზე ცალმხრივად უარის თქმის შემთხვევაში, მიმწოდებელი უხდის შემსყიდველს ჯარიმის სახით ხელშეკრულების ღირებულების 10%-ს.

10.2. "საქონლის" მიწოდებისთვის განსაზღვრული ვადების დარღვევის შემთხვევაში, მიმწოდებელი ყოველ გადაგადაცილებულ დღეზე იხდის პირგასამტეხლოს ხელშეკრულების ღირებულების 0,1%-ის ოდენობით, ხოლო თუკი ადგილი ექნება ვალდებულების ნაწილის შეუსრულებლობას, ასეთ შემთხვევაში პირგასამტეხლო შეადგენს მიუწოდებელი საქონლის ღირებულების 0,1%-ს..

10.3. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

10.4. იმ შემთხვევაში, თუ ვადების გადაცდენისთვის დაკისრებული პირგასამტეხლო ჯამური თანხა გადააჭარბებს ხელშეკრულების ღირებულების 2%-ს შემსყიდველს უფლება აქვს შეწყვიტოს ხელშეკრულება.

10.5. ანგარიშსწორების ვადების დარღვევის შემთხვევაში, მიმწოდებელს უფლება აქვს მოითხოვოს, ხოლო ამ შემთხვევაში შემსყიდველი ვალდებულია გადაიხადოს ყოველ გადაგადაცილებულ დღეზე პირგასამტეხლო ხელშეკრულების ღირებულების 0,1%-ს ოდენობით.

11. ხელშეკრულების პირობების გადასინჯვა, ფასები და მოქმედების ვადა

11.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

11.3. ფასების ცვლილება დასაშვებია შემსყიდველის თანხმობის შემთხვევაში, რაც განპირობებული უნდა იყოს ეროვნული ვალუტის ინფლაციის მაღალი დონით (არანაკლებ 10%-ით), საგადასახადო რეჟიმის, სავალუტო კურსის მნიშვნელოვანი ცვლილებითა (არანაკლებ 10%-ით) და სხვა.

11.4. ხელშეკრულების ფასის გაზრდა არ უნდა აღემატებოდეს ხელშეკრულების მთლიანი ღირებულების 5%-ს.

11.5. ხელშეკრულების პირობების ნებისმიერი ცვლილება უნდა გაფორმდეს წერილობით ხელშეკრულების დანართის სახით, რომელიც ხელმოწერილი იქნება მხარეთა უფლებამოსილი წარმომადგენლების მიერ და ჩაითვლება ხელშეკრულების განუყოფელ ნაწილად.

11.6. ხელშეკრულება ძალაში შედის ხელმოწერისთანავე და მოქმედებს 2018 წლის 31 იანვრის ჩათვლით.

12. ფორს-მაჟორული გარემოებები

12.1. მხარეები თავისუფლდებიან ამ ხელშეკრულებით გათვალისწინებული ვალდებულებების შესრულებლობით გამოწვეული პასუხისმგებლობისაგან, თუ დამტკიცდა, რომ ვალდებულების შესრულებლობა განპირობებული იყო დაუძლეველი ძალის ანუ კონკრეტულ პირობებში (სტიქიური უბედურება, ეპიდემია, ომი, საზოგადოებრივი არეულობა და ა.შ.) საგანგებო და გარდაუვალი მოქმედებით.

12.2. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა).

12.3. მხარე არ თავისუფლდება პასუხისმგებლობისაგან, თუ-კი ფორს-მაჟორული მოვლენის დადგომა გამოწვეულია მისი ბრალით, ან ნაკისრ ვალდებულებათა შესრულება შესაძლებელი იყო ასეთ გარემოებათა დადგომამდე გონივრულ ვადებში.

12.4 ფორს-მაჟორული გარემოებების 15 დღეზე მეტხანს გაგრძელების შემთხვევაში, შემსყიდველს უფლება აქვს შეწყვიტოს ხელშეკრულება.

13. სხვა პირობები

13.1 ხელშეკრულება შედგენილია ოთხი ნაწილისაგან: პირველი ნაწილი შედგენს 2 ეგზემპლარად, რომლებიც გადაეცემათ მხარეებს.

13.2 მხარეთა შორის წამოჭრილი დავები წყდება მხარეთა ერთობლივი მოლაპარაკების საფუძველზე. თუ ასეთი მოლაპარაკების დაწყებიდან 5 (ხუთი) დღის განმავლობაში მხარეები ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

14. მხარეთა რეკვიზიტები

„შემსყიდველი“

ს.ს. „უნივერსალური სამედიცინო ცენტრი“

მის: ქ. თბილისი, ლისის ტბის მიმდებარედ #4

ს/კ 405001466

ბანკი: ს.ს. „თი ბი სი ბანკი“

ანგარიში: GE95TB7795436020100004

ბანკის კოდი: TBCBGE22

„მიმწოდებელი“

შპს „ავერსი-ფარმა“

მის: ქ. თბილისი, აღმაშენებლის გამზ.#148/2

ს/კ 211386695

ბანკი: ს.ს. „საქართველოს ბანკი“

ანგარიში: GE06BG0000000122932100

ბანკის კოდი: BAGAGE22

დირექტორი

მამუკა მახათაძე



კომერციული დირექტორი

ეკატერინე მიქელაძე



